



B. N. C.
FIRENZE
1070
8



1070. 8



1070.5
AI

LETTRE
DE
IACQUES
BON-HOMME
PAYSAN DE
BEAVVOISIS

A
MESSEIGNEURS LES PRIN-
ces retirez de la Cour.




A PARIS,

Chez JEAN BRUNET, rue saint Germain, au
trois Pigeons, proche la porte de Paris. 1614.

Avec Permission,

1070.8



LETTRE
DE IACQUES
BON-HOMME
PAYSAN DE
BEAUVVOISIS.

Meßigneurs les Princes retirez de la Cour.



ES TRIS-HONOREZ SIEGNEU

Je croy que vous auez tous
ques-fois ouïy parler, de
Iacques bon homme qui ayan
soubz le bon & noble Roy Iean,
il y a bonne piece de temps, cou-
rageusement reprimé l'insolence
de ces manges peuples, qui abusoient de sa pacience
donna nom à la Iacquerie. C'estoit le grand pere de
mon ayeul, duquel ie tiës encor aujourd'huy malgré
la malice du temps, & l'avarice des chicaneurs, vingt
cinq arpens de terre, & deux petits clos, que ie cul-
tue & façonne tous les iours de ma main, en ceste
miëne vieillesse de quatre vingt dix sept ans, aage que
i'ay passé en mon petit mesnage aux champs, avec ma

femme mes deux fils & mes trois filles toutes mariées
sans auoir iamais voulu chager de condition, n'y me
meller d'aucuns autres affaires, sinon vne fois que
ie fus nommé par la commune de nostre village,
pour aller trouuer en vn chasteau prochain, quel-
ques Gehrils. hommes illec assemblez, en intention
de courre sus à nostre bestail, en vengeance d'un de
leurs leuriers que quelques vns de nos marins auoit
mordu vn peu ferré à la queue, parce qu'il s'en fuy-
oit. Ce que ie fis avec tant d'heur, que i'impetray
d'eux ce que tous ceux qui y auoient esté enuoyez
auparauant n'auoient peu obtenir. Depuis on m'a
tenu en ce quartier pour vn homme fort persuasif &
propre à manier telles affaires. Cela fait que plusi-
eurs gens de bien & amateurs de paix, estimant qu'o-
uyrois auoir le mesme pouuoir sur vous, mes
Seigneurs m'ont quasi forcé de vous
re sur les nouueaux bruits de ceste guerre, qui
s'ont tellement effrayés en ce pays, que legros
cheu, mon voisin à cause de son estable, (ne vous
desplaie) qui ioint ma grange, iura dernièrement la
teste Bœuf son serment des bonnes festes, que de
cette année il ne semeroit auoine de peur d'égraisser
les Cheuaux de ceux qui mangent les poulles sans en
conter les plumes, de crainte de les payer. Melchan-
ceré si grande, qu'on dit que le Diable s'en fait des
ailes pour s'esleuer en l'air quand il a enuie de fai-
re gresser sur les bleds. De sorte que quand la guerre
n'apporteroit autre mal'heur que celay la, i'estime
que ceste seule consideration seroit capable de vous
d'uertir de la faire si vous en auiez quelque dessein.
Mais ie ne me puis persuader, que tât que vous serés

ceux que vo^r estes, c'est à dire ceux que vous debuez estre, la seule pensée vous en puisse seulement tomber en l'ame. I'ay cognu vos peres, & vos ayeulx quasi tous. Cestoient de tres-braues Princes, & qui ont rendu de si grand témoignage de leur fidelité à nos Roys, & de leur affection à l'Estat, que c'est péché de presumer légèrement autre chose de leurs enfans; non moins heritiers de leurs vertus que de leurs biens. Car premierement quel profit vous en pourroit il reuenir? les armées ne s'étreignent point de vent, il ne faut pas que la paye manque, autrement vous n'avez n'y Capitaine n'y Soldats assuré, à peine les receptes du Roy y peuuent elles fournir? vo^r trouueriez possible au commencement quelque credit es bources d'Alemagne où de Hollande, mais au bout il faudroit payer: & c'est lors qu'il cuit car de croire que le traité de paix se chargeat de tous ces frais, il ne pence pas qu'on le fît, on s'en est trouué mal autres-fois: tout cela demurerait sur vos coffres. Pour le plaisir, hé mes treshonorez Seigneurs, qu'il y a bien plus de contentement à ce promener dans les Tuilleries à voler le Heron à S. Germain, à courre le Cerf à Fontaine Bleau, à rompre la lance contre le faquin à la place Royale, à manger des œufs à la Portugaise au petit More, à ouyr la Musique douce de la Roynne Marguerite, qu'à boire la poussière de la campagne, à porter la chaleur de midy sur le dos, à dormir armé sur l'affust d'un canon, à se leuer trois heures deuant le iour pour aller donner vne camifade, en danger de laisser du poil, & à souffrir mille autres semblables incommoditez d'autant plus facheuses à personnes de vostre condition, que vo^r auez esté plus delicatement

nourris entre toutes sortes de voluptez & passe-téps. Que s'il ny à ny profit ny plaisir, encore moins d'honneur. Car quelle louüange d'auoir troublé le repos & bon-heur du Royaume, durant la minorité de nostre ieune Roy. I'ay vn de mes filz qui est bon clerc, & chanteau lettrin, Ie me fais lire par fois les festes apres Vespres vn gros liure, que le deffunët Curé qu'il seruait d'ordinaire à la Messe, luy donna par son testament: avec son chapeau des bonnes festes, ie ne sçauois dire comment il s'appelle, car il y manque six fueillets au commencement, mais ie près vn tel plaisir à ouïr ce qu'il raconte que voicy la vingt troisieme fois que ie le repasse. De sorte que ie le sçay tantost quasiment par cœur. C'est pourquoy i puis dire quelque chose. Or pour reuenir à mon propos i'ay remarqué que tous ceux qui se sôt esleues contre l'autorité souueraine n'en ont iamais emporté que confusion, honte & reproche, de quelque pretexte qu'ilz ayent sçeu colorer & desguiser leur intentions, i'ay ouy parler cent fois à mon pere de ceste leuée de bouclier que firent quelques Princes mal contents sous Loys vnziesme, il disoit que tous les sages de ce temps la les blamoient grandement, encore qu'ilz n'eussent en la bouche que le bien public & le soulagement du peuple, qui pourtant n'en amenda pas d'un sols, par la paix de Conflans, où il se trouua à la suite du Seigneur de Nantouillet. Exemple que ie rapporte d'autant plus volontiers, que ie sçay qu'on dit vostre dessein tendre à la mesme fin, pour reformer les abus de l'Estat, & remettre toutes choses en leur ordre: Ie louë vos resolutions, si elles ont ce but car la France à besoing

de tels personnes que vo^r, en vn si importât affaire, mais au nom de Dieu, prenez garde, mes tres- honorez Seigneurs, que sans y penser, vous ne rendiés suspects la sincerité de vos intentions par l'imprudēce de vos procedures. Nous auons vne si bonne, si vertueuse & si sage Royne qu'il sera fort mal aisé de persuader au peuple, que vous soyez m'eus d'vn pur & vray desir de son bien, si vous separez vos Conseils, de ceux de sa Majesté, & vous esloignez de ce Soleil du Louure sans la lumiere & l'influence, duquel rien de ce qui concerne le public ne peut auoir force n'y vigueur. C'est pourquoy, pardonnez à ma nayfue & grossiere liberté, si ie vous dis, que vous n'avez pas esté bien conseillé en c'est affaire. Car vous eussiez à ce que dit tout le monde, beaucoup mie^x procedé, si vous eussiez vous mesmes d'vn commun accord proposé de vive voix à Paris ce que vous avez depuis représenté par vne lettre enuoyée de Mezieres. Lieu la seule opportunité duquel à donné subject à beaucoup de gens, mauuais interpretes de vos actions, de croire que vous vous resoluyez d'emporter par la force ce que vous vous deffiez de pouuoir obtenir par la raisō. Ceux qui vo^r cognoissent bien, en ont iugé autrement, mais vous sçauiez que le nombre des sages est tousiours le plus petit. Pour moy à qui la vieillesse à meury quelque peu le iugement dans l'experience des choses passées ie n'en ay iamais eu opinion, comme i'ay desia dict cy dessus. Je pense bien à la verité que l'affection que vous avez tous au bien public, vous pourroit exciter en l'esprit le desir de voir quelque reglement aux desordres del'Estat, mais ie ne pense pas

que vous estimiez que la guerre source de toute confusion & desolation soit vn moyen propre pour y pouruoir. il me souuient de ce qui arriua l'an mil cinq cens trente trois, à Beauuais ou i'estois allé porter quelques pigeons à vendre au marché. Quelques ieunes hommes ayants pris vne assignation precise à trois heures, ainsi qu'on sceut apres, & ne si pouuants trouuer si tost à cause d'vn autre affaire plus pressants qui leur estoit suruenues, s'en viennent au maître qui gouuernoit l'orologe, luy remonstrer qu'il alloit trop tost d'vne heure, le prient de le retarder, ce qu'ayant refusé de faire ils en vindrēt premieremēt aux iniures, & puis aux coups, si rudement qu'en s'entrebattant ils rompirent le balancier & le poids de l'orologe, qui en demeura plus de huit iours apres desbauché & detraqué. Cest pour monstrer qūe toute violence est ennemie de l'ordre & de la droite conduite des choses. Les moyens doux & gracieux sont tousiours les plus desirables & souuent les plus conuenables. S'il y a quelque membre de l'Estat disloqué & desboité, faut-il pour cela mettre tout le corps à la gene, ou trepaner la teste? Si la gangrene commence à se former à vn orteil, faut-il trefuer les yeux, ou deschirer les entrailles à belles mains? Il y a peut estre, comme il a tousiours eū, & y aura, quoy qu'on sçache faire, à l'aduenir, quelques abus en tous les ordres de ce Royaume; il ne se peut faire autrement, mais ils ne sōnt bien mercy, point si grands, qu'ils ne soiēt beaucoup plus supportables que les malheurs d'vne guerre ciuile, Nous discourions dernièrement de ces matieres soubz l'orme à la place, recherchant quels pou-
uoit

uoit estre ces desordres que vous pretendies de reformer. Il y en auoit qui disoient que vous vouliez faire que toutes les lieuës de France fussent esgales, que tous les clochiers de Paris fussent à vn niveau que les horologes y sonnassent tous à la fois & autres choses semblables, iolies à la verité mais non de telle importance que la vie d'un seul homme ne soit cent fois plus estimable & precieuse, car c'est l'image de Dieu. D'autres disoient que c'estoit que vous desiriez introduire vn seul poids, vne seule mesure, & vne seule coustume en tout le Royaume: Dont le premier, pour ne rien dissimuler, me sembla iniuste tout à fait, car qu'elle apparence qu'un pauvre Paysan de Bretagne ou de Prouence vinst mesurer à Paris vn minot de bled qu'il auroit acheté ou vendu? Cela est entierement hors de raison; L'autre fort difficile, car chacun voudroit mouler ceste coustume sur son profit ou sa fantaisie. Les Normands voudroient qu'elle fust, qu'il fust permis à tout le monde de se dedire quand bon luy sembleroit. Les Gascons, qu'il fust loisible à quiconque à les mains souples de les ietter sur tout ce qui leur plaist en la maison d'autrui, & ainsi des autres Prouinces de France. Le mesme aduiendroît és diuers Ordres dont cest Estat est composé. Le Clergé buteroit à ce que ses dismes s'estendissent generally sur toutes choses. La Noblesse, à ce que la bien-seance luy fust vn tiltre legitime pour despotiller ses subiects de tout ce qui l'accommodoit. Le tiers Estat, qu'il ne payast de raille que ce quoy sa bonne volonté ou commodité le cotieroit. Chaque particulier mesme en voudroit

prescrire la forme. Lampau cousin second de ma femme disoit qu'il souhaiteroit que ceste coustume fust, que les gens de ville fussent tenus de prendre des villageois les fueilles d'arbres pour Nobles à la Rose. Pour moy i'en faisois vne autre, qu'il ne fust permis à aucun subiect du Roy de quelque qualité qu'il fust, de faire leuee de gens de guerre pour quelque occasion que ce fust, sans la permission des Sergens à cheual de Paris, deuëment verifiée en toutes les communautéz & bourgades ou il y a brebis & vaches paissants l'herbe. Nous en deuisions de la façon, iusqu'à ce que nostre Greffier qui estoit reuenu le soir auparauant de la ville nous assura que ce n'estoit rien de tout cela, mais que vous vous plaigniez entre autres choses, du mauuais mesnage des finances, & de la corruption de la Iustice. A quoy il nous dist que nostre Reyne auoit si bien respondu, que ie croyois que ce seroit crime de leze-Majesté d'y vouloir rien adiouster. Il disoit de plus, que vous estiez effencez de vous voir post-polez à trois ou quatre personnes de qualitez inférieure aux vostres. Si cela estoit, mes tres-honorez Seigneurs, vous auriez quelque raison de vous en piquer; mais i'ay beaucoup de peine à le croire, on sçait trop bien l'honneur & le rang qui vous est deu. Que s'il attriue quelquefois au Conseil que vos opinions ne soient pas entierement suivis, ce n'est pas qu'on mescongnoisse ou mesprise vostre autorité; c'est que le poids des raisons ou le nombre des voix l'emporte. Les vieilles gens & ses robbes longues sont d'ordinaire les plus forts sur le tapis, il ne faut pass'en estonner; Tandis que vous vous musquez

le matin, que vous visitez vos belles maisons aux champs, que vous renouuellez vos terriers, que vous trauallez vn cheual, que vous courez la bague ils voyét pieces, ils balancent les affaires, escoucontent les parties, & digerent leurs aduis. Je ne suis pas de la qualité des enfans du Seigneur de nostre village, mais quand leur pere me demande quelquefois mon opinion, touchant quelque chose de ma profession, comme il faisoit encore auant-hier sule temps d'eslaguer quelques arbres, ie serois bien mary qu'il ne m'en creust aussi tost qu'eux, comme aussi faißt-il le plus souuent. Pourquoy? c'est mon mestier, & puis i'ay les cheueux blancs. On dict aussi que vous ne pouuez supporter de voir quelques-vns esleuez dans peu de temps aux grandes dignitez par la faueur de leurs Majestez. Mes très-honorez Seigneurs, i'ay autrefois ouy dire en vn sermon, que les Roys sont les Pasteurs de leurs peuples. N'est-il pas permis à vn berger de choyer vne de ses brebis plus que les autres s'il veut? En auois autrefois vne estant ieune, que i'aymois tellement entre quarante que ie gardois, que i'eusse volontiers partagé mon bon laye avec elle pour la couvrir en hyuer si elle eust eu froid. Je l'appellois la Bine: Ce n'est pas qu'elle fut belle ny bonne, car elle estoit escloppée de la morsure d'un loup, & outre cela brehaigne; mais c'estoit quelque affection particuliere dont i'eusse esté bien empêché de dire la cause. Aussi ne pensois-je pas estre tenu d'en rendre compte à personne. Vous demandez pareillement, nous dict le Greffier, que le peuple soit soulagé, vous nous obligez à la verité par le soing que

vous auez de nous, car nous auons vn peu trop de charge, mais non pas tant Dieu mercy neantmoins que nous n'en ayons autres fois porté dauantage, & que nous n'aymions cent fois mieux la porter encores trente ans, que d'endurer trois mois de guerre. S'il n'y a pas d'autre remede que celuy là, laissons le Monstier ou il est. Nous esperons que la bonté du Roy & de la Reyne sa mere y pouruoiront avec le tēps. C'est pourquoy il ne faut pas que vous vous imaginiez d'attirer par ceste amorce aucun de nous pour grossir vostre trouppes, nous n'en voulons point manger à ce prix là. Il n'y a paix qu'elle quelle soit, qui ne vaille mieux qu'une guerre. Si les mains demandent à quelques-uns qui sont alentour de vous, qu'ils les aillent froter contre les murailles de Constantinople, ou gratter aux moustaches du Sophi, iusqu'à ce que le sang en sorte. Mes rres-honorez Seigneurs, vous estes François & auez plus que tous autres, interest à la conseruation de ceste Monarchie. Prenez donc garde, s'il vous plaist, que vous ne la iettiez en quelques troubles & diuisions domestiques, qui la puissent perdre. Elle ne craint rien que du dedans, tant que nous y serons en bonne intelligence, nous nous trouuerons inuincibles au dehors, il faudra que tout le reste du monde nous cede. J'ay autrefois ouy vn Precheur qui disoit, que quand le diable, eust offert à nostre Seigneur sur le pinacle du Temple, tous les Royaumes de la terre, il en fut par apres fort rancé par sa femme. Car qu'eusses-tu faict luy disoit elle, s'il t'eust pris au mot? Il luy respondit. Ne sçay tu pas qu'un mary ne peut disposer du bien de sa femme, & que tu m'as

apporté la France en dot? (Car en ce temps là elle
 n'estoit pas encore Chrestienne) or ie suis tres-cer-
 tain que dans trois ans, i'auray si ie veux, reconquis
 le reste de la terre; pourueu que l'aye ce Royaume
 entier à ma deuotion. Ie pense qu'il disoit vray ce-
 ste fois là; Conseruons donc nos forces pour les
 employer en quelque bonne occasion contre les
 mescreans, ainsi que faisoit nostre bon S. Louys.
 Attendant que le subiect s'en presente, ietournez
 mestres-honorez Seigneurs, vous serez les mieux
 venus que iamais: Il y a plus de plaisir cent fois à
 Paris qu'à Mezieres ny à Soissons. C'est la où vous
 estes à vostre iour, & où vous paroissez vrayement
 ce que vous estes: Vostre absence vous faict tort, &
 non moins à la France. Car combien pensez vous
 qu'elle ayt osté de lustre à ceste derniere foire de
 saint Germain? Il n'y auoit quasi personne: De
 sorte qu'il y aura des estranzers qui rapporteront en
 leur pays que ce n'est pas de la Cour de France ce
 qu'on en dict. D'où il est à craindre qu'il ne naisse
 en leurs cœurs quelque mespris qui les excite à en-
 treprendre plus legerement sur nous à l'aduenir.
 Consideration qui n'est pas petite, si elle est bien
 prise: Encore vne fois retourné au nom de Dieu,
 mestres-honorez Seigneurs, & coupez sagement
 chemin aux diuisions & malheurs que vostre esloi-
 gnement pourroit à la fin engendrer. Que si vous
 estes resolu à la guerre, ce que ie ne pèse pas, & sou-
 haitte encore moins, octroyez moy s'il vo^s plaist en
 recognoissance de la peine que ie prends à vous re-
 môstrer (excusez moy, si i' vse de ce mot) vne sauue-
 garde pour toute ma famille & pour le bon Goubau

qui m'a ayd   composer ceste lettre; car ie craignoy
 qu'il ne m'eschappast quelque mot du pa  s qui vous
 f  st rire de mes nonante septans, c'est parquoy i'ay
 eu en cela besoing de luy, qui    autrefois est   Secre-
 taire de saint Innocent. le prie Dieu, mes tres-
 honorez Seigneurs qu'il vous inspire vn bon & salu-
 taite conseil, & vous donne bonne & longue vie.
 De nostre Village ce vingthui  tiesme Mars, durant
 la presus des cloches, avec les oreilles des mala-

Vostre tres-humble seruiteur

JACQUES BON-HOMME.

1070-8

99 958819



1070 B.









MC

